



Bitasyon gwo tanbou



Chœurs :

Bitasyon gwo tanbou, Sé la an ké fè lanmou pousé
Aglaé aglaé, Sé yon bon doukou pou planté déla déla

Ka mandé lé répondè pa rété atè
Tanbouyé menné-mwen alé
Asi zèl a léwòz
Nou ké vwè lalin kléré

On kouran frison
Ka mofwazé wonn-la
An tandé tout kè kolé ansanm
Ka sonné

Bay koko pou savon
Bay kadans pou lokans
Wi konvwa a tanbou
Ka woté nou adan silans

Sé la fòs an-mwen sizé
La Bondyé palé
La nou tout pi bèl
Ki tout bèbèl a Konpè Loua

Yé mwen tandé
on dwèt pa kay o dlo
lèwvwè dis dwèt kontré
sé pou wouklé si tè Kako

Apiyé lé bon jouwa pou nou volé
Asi zèl a léwòz
Pou nou pé sa planni
Adan péyi béni

Sé la fòs-la ka palé
Sé la gran kaz an-mwen
La nou asi laté
Kon flanbwayan ka ri ba syèl

Yé lalaé
Yé annou alé
Lèwvwè léwòz palé
Tout tralala ka payé

Sé la fòs an-mwen sizé
La Bondyé palé
La nou tout pi bèl
Ki tout bèbèl a Konpè Loua

Apiyé lé bon jouwa pou nou doubout
Asi fòs a léwòz
Menm si nou bigidi
Nou ja vwè gwokato